

- *1. وزیر اعظم نریندر مو دی نے اپنا من کی بات پروگرام مانہ جموں و کشمیر غا جی آئی ٹیگ شدہ سُلانی شہد غی بدھتی مقبولیت نانہ سرابیو، لیفٹنٹ گورنر منوج سنہا تے مرکزی وزیر ڈاکٹر جتندر سنگھ نے شکریو ادا کیو۔
- *2. وزیر اعظم نریندر مو دی نے من کی بات پروگرام مانہ اپنا خیالات غو اظہار کرتاں واں ہمالیہ غی وادیاں نانہ سرمائی سیاحت غا اہم مرکز غا طور ور آجاگر کیو۔
- *3. سرکار نے کل تیں شروع ہون آلا پا رلیمنٹ غا سرمائی اجلاس تیں پہلاں کل جماعتی میٹنگ طلب کی۔
- *4. 5 سال غا وقفہ تیں بعد چار ممبرا پا رلیمن راجیہ سبھا مانہ جموں کشمیر غی نمائندگی کریں گا۔ نائب صدر جمہوریہ پلک نیشنل کانفرنس غا 3 ممبران پا رلیمن نانہ حلف دواں گا۔
- *5. تے جموں کشمیر مانہ درجہ حرارت مانہ کمی آرہی ہے اور ٹھنڈ نے اپنی پکڑ مضبوط کر لی ہے۔

PM MKB Sulai Honey

وزیر اعظم نریندر مو دی نے آکاشوائی وروں اپنا من کی بات پروگرام مانہ جموں و کشمیر غا منفرد رام بن سُلانی شہد ور لو کہلی۔ جہیڑو جنگلی تلسی توں شہد غی مکھیاں غے ذریعے تیار کردہ وے۔ اس خاص شہد نے حالیہ بہراں غے دوران جیو گرافیکل ڈیگ حاصل کیو ہے، اور تیزی نال قومی شناخت حاصل کر رہیو ہے۔ وزیر اعظم نے کہیو کہ بھارت شہد غی پیداوار مانہ نواں سنگ میل حاصل کر رہیو ہے۔ اور رام بن سُلانی شہد جیسی مصنوعات بھارت غی بھرپور مقامی ورثہ اور اہم اقتصادی صلاحیت نانہ ظاہر کرے۔ اس بارے گل کرتاں واں وزیر اعظم نریندر مو دی نے اس طرح کہیو۔ بانٹ۔ لیفٹنٹ گورنر منوج سنہا اور مرکزی وزیر ڈاکٹر جتندر سنگھ نے من کی بات پروگرام مانہ رام بن تیں سُلانی شہد غو ذکر کرن اور اُس نانہ جی آئی ٹیگ دین واسطے وزیر اعظم نریندر مو دی غو شکریو ادا کیو۔ انہاں نے کہیو جے یوہ قدم کساناں، شہد غی مکھی پالن آلاں اور مہارہ روائتی ورثہ واسطے اک بڑی حوصلہ افزائی ہے۔

Vocal for Local

وزیر اعظم نریندر مو دی نے اپنا من کی بات پروگرام مانہ اک وار فر شہریاں ور زور دتو ہے کہ وے ووکل فار لوکل تحریک غی حمایت جاری رکھیں۔ انہاں نے اس گل غو وی اطمینان ظاہر کیو ہے جے پورا ملک مانہ لکھاں لوک مقامی بنائی وی اشیائ نانہ اپنا رہیا ہیں۔ مزید کہیو جے حالیہ جی 20 چوٹی کانفرنس غے دوران عالمی رہنماواں نانہ پیش کیا گیا تحفاں غو انتخاب سوچ سمجھ غے کیو گیو تھو، تانجے بھارت غی وراثت تے دستکاری غی عکاسی کی جا سکے۔ انہاں غو کہنو تھو۔ بانٹ۔

Winter Tourism

وزیر اعظم نے آکاشوانی ورمین کی بات پروگرام مانہ اپنا خیالات غواظہار کرتاں واں موسم سرما غی سیاحت غا بارہ مانہ وی گل بات کی، تے کہیو جے بھارت غو تاج ہمالیہ سفر تے مہم جوئی واسطے بہترین ہے، نالے شاندار پہاڑیاں، بھرپور ثقافت وغیرہ غا امکانات پیش کرے۔
انہاں نے کہیو۔۔ بانٹ۔۔

ISRO Sports

جناب مودی نے بھارتی خلائی تحقیق تنظیم غی طرفوں منعقد کیا گیا انوکھا ڈرون مقابلہ غو وی ذکر کیو، جت ملک سیارچہ جیسا حالات مانہ ڈرون اڑان غی کوشش کر رہیا تھا۔ وزیر اعظم نے کہیو کہ نوجوانان غی یاہ لگن وکست بھارت غی سب تیں بڑی طاقتاں وچوں اک ہے۔ من کی بات پروگرام غے دوران وزیر اعظم نے مزید کہیو جے بھارت نے کھیڈاں غی دنیا مانہ وی شاندار کارکردگی غو مظاہر وکیو ہے، کیونجے انہاں نے کج دن پہلاں ہی کامن ویلتھ گیمز غو میزبان قرار دتو گیوتھو۔ انہاں نے کہیو جے یہ کامیابی ملک تے شہریاں غی ہیں۔ انہاں نے کہیو۔۔ بانٹ۔۔

مزید خبراں نال محمد اکرم چودھری۔ وراس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن انیر ڈاٹ گوو ڈاٹ ان وروی دستیاب ہیں، اس) تیں یہ خبر مہاری موبائل ایپ تے ڈی ٹی ایچ وروی دستیاب ہیں

All Party Meet

پہلک توں پارلیمنٹ غا سرمائی اجلاس شروع ہون توں پہلاں سرکار نے آج اک کل جماعتی میٹنگ طلب کی ہے۔ مرکزی وزیر دفاع راجناتھ سنگھ نے میٹنگ غی صدارت کی جس مانہ راجیہ سبھا مانہ قائد ایوان جے پی نڈا، پارلیمانی امور غا وزیر کیرن رجیجو تے دوجا وزرائ موجود تھا۔ کانگریس، ڈی ایم کے، ٹی ایم سی، سماج وادی پارٹی، جے ڈی یو، ٹی ڈی پی تے شیو سینا غا لیڈران نے وی شرکت کی۔ اجلاس 19 دسمبر تک جاری رہے گو۔ میٹنگ غے بعد گل کرتانواں وزیر رجیجو نے کہیو کہ میٹنگ اک مثبت ماحول منعقد ہوئی، اور تمام سیا سی جماعتاں توں پارلیمنٹ غی کاروائی احسن بنان مانہ ساتھ دیں۔ انہاں نے کہیو۔۔ بانٹ۔۔

AIR Foundation Day

آکاشوانی جموں اپنا یوم تاسیس غا موقع وری اک خصوصی فون ان پروگرام نشر کرن جا رہیو ہے۔ یوہ خصوصی پروگرام پلک یعنی پہلی دسمبر سویرے ساڈھا 9 بجے تیں نشر کیو جائے گو۔ تم سب اس پروگرام غو حصو بن سکیں تے فون کر غے مبارک باد تے اپنا خیالات سانجھا کر سکیں۔ پروگرام مانہ کال کرن واسطے نمبر اس طرح ہیں

01912563476/09192563473/01912563459

Prog Announcement

آکاشوانی جموں غا علاقائی خبراں غا شعبہ غی طرفوں پلک ایڈیز بارے بیداری عام کرن غا عالمی تیہاڑہ 2025 غا موقع ور اک خصوصی مباحثو نشر کیو جائے گو۔ جس غو موضوع ہے "جانکاری ہی بچائو ہے ، ایچ آئی وی نانہ جانو، ایڈیز نانہ روکو"۔ یوہ خصوصی پروگرام پلک دوپہر 12 بجے نشر کیو جائے گو۔ جس مانہ مہارہ مہمان وین غا جموں کشمیر ایڈیز کنٹرول سوسائٹی غا آئی ای سی ڈویژن غا اسسٹنٹ ڈائریکٹر رشیش کھجوریہ۔ جد کہ مہارہ اینکر جگ موہن شرما میزبانی غا فرائض انجام دیں گا۔ یوہ پروگرام تم آکاشوانی جموں میڈیم ویو 303 میٹر یعنی 990 کلو ہرٹز تے ایف ایم 100.3 میگا ہرٹز ور سُن سکیں۔

RS- Oath NC

جموں کشمیر تین نیشنل کانفرنس غا 3 نواں چُنیا واہ ممبراں پارلیمان پلک راجیہ سبھا مانہ سرمائی اجلاس غے پہلے تیہاڑے حلف لیں گا۔ شمی اُبرائے، سجاد احمد کچلو تے چودھری محمد رمضان نانہ نائب صدر جمہوریہ تے چئیرمین سی پی راہا کرشنن حلف دوائنگا۔ ان غو چنائو تقریباً 5 سال بعد ایوان بالا مانہ جموں کشمیر غی نمائندگی غی واپسی غو نشان ہے۔ یا درہ جے چنائو 4 سیٹاں واسطے ہونو تھو جن وچوں نیشنل کانفرنس نے 3 سیٹاں ور کامیابی حاصل کی تھی، جد کہ بی جے پی غا اُمیدوار ست شرمانے پہلاں ہی حلف لے لیو ہے۔

Weather

جموں کشمیر مانہ سخت ٹھنڈ ہے رہی ہے۔ تے پورا خطہ مانہ درجہ حرارت مانہ کمی آئی ہے۔ اس طرح جموں شہر مانہ درجہ حرارت 8 اشاریہ 8 ڈگری سلسیس درج کیو گیو، جد کہ جموں ہوائی اڈہ ور 8 اشاریہ 3 ڈگری سلسیس درج ہو نو۔ بالائی علاقان مانہ زیادہ تر موسم ٹھنڈو رہیو۔ بانہال مانہ منفی صفر اشاریہ 7 ڈگری، بھدرواہ مانہ صفر اشاریہ 3 ڈگری، سانبہ مانہ 1 اشاریہ 9 ڈگری، راجوری مانہ 1 اشاریہ 5 ڈگری جد کہ اُدھم پور مانہ 3 اشاریہ صفر ڈگری سلسیس درجہ حرارت درج کیو گیو ہے۔ اس تین علاقہ بٹوت، رام بن، کشتواڑ، ریاسی ڈوڈہ، کٹھوعہ سمیت دوجا علاقان مانہ درمیانی ٹھنڈ رہی ہے۔ رہا نشیاں نانہ مشورو دتو گیو ہے جے احتیاطی تدابیر اختیار کریں کیونجے ٹھنڈ مانہ باہدو ہو رہیو ہے۔ اسی طرح آن آلا تیہاڑاں غے دوران دور دراز علاقان مانہ درجہ حرارت مانہ گراوٹ غو امکان ہے۔
